

Ստեանց կարօտ որբացելուն ,
Եւ թալկացեալ ի մօր սիրուն :

140

Արդ այսպէս վարժապետն իմ Տէր Սրա-
պիոն եւ Գրիգոր կաթողիկոս Հայոց թշուա-
ռական մահուամբ փոխեցաւ եւ զմեզ որբա-
ցեալ եւ կաթնակեր եթող : Ո՛վ աստուածա-
սէր ժողովուրդք, ցուցէք ինձ . զմա՞յրն ամե- 145
նեցուն լամք, թէ զտղան կաթնակեր :

Ա.

Աչք իմ լուսատու ,
զիա՞րդ խաւարեցար .
Բազուկ իմ հըգօր ,
զիա՞րդ յարմնկէ հատար .
Գլուխ իմ գանգրահեր ,
զիա՞րդ խոնարհեցար .
Դու համասփիւռ ծաղիկ ,
զիա՞րդ թառամեցար .
Երկինք լուսատու ,
զիա՞րդ ամպով ծածկեցար .
Զօրեղ զօրաւոր ,
զիա՞րդ խոցեցար .
Է՛ջ շունչ իմ եւ հոգի ,
զիա՞րդ քաղեցար .
Ընտիր մարմնով սուրբ եւ կոյս ,
զիա՞րդ ի հող լուծար .

5

139 ի ստեանց B: — 140 նորայ տեսուն B: —
144 կաթնակեր A: — 146 տղայն B կաթնակեր A:

Ա.

3 զանգրահեր A: — 4 համասփուռ A: —
7 քաղեցար B: